



UPA 2015/141
5.maj 2014
Kalistat Lund

Nunat Avannarliit Killiit Siunnersuisoqatigiiffiata kaammattuutitut aalajangersa-gaata Inatsisartunit ilalernerqarneranik Inatsisartut aalajangiiffisassaattut siunnersuut: Nunat Avannarliit Killiit Siunnersuisoqatigiiffiata Savalimmiuni naalakkersuisut, Kalaallit Nunaanni Naalakkersuisut Islandimilu naalakkersuisut kaammattorpaat Nunat Avannarliit Killiit Siunnersuisoqatigiiffianut qinikkatut ilaasortat, Siunnersuisoqatigiiffimmut nalunaarutit tunngavigalugit, allatigulluunniit isumaqarfigisaminnik nunat avannarliit killiit suleqatigiinnerisut tunngasunik, nunat ilasortaasut naalakkersuisuinut apeqquteqarsinnaaleqqullugit. Apeqqutit Nunat Avannarliit Killiit Siunnersuisoqatigiiffiata allattoqarfianut nassiunneqartassapput, tassangaanniillu naalakkersuisunut pineqartunut ingerlateqqinneqarlutik. Naalakkersuisut pisussaapput ilaasortamit apeqqutigineqartumut, kingusinnerpaamik apeqquteqarfigineqartup apeqqummik tigusineraniit sapaatit akunnerini arfineq-pingasut qaangiutsinnagit, akissuteqarnissamut.
(Aallartitat siulittaasuut Lars-Emil Johansen)

Nunat Avannarliit Killiit aqqisuussamik qinikkatigut akunnerminni suleqatigiinnerat ukiuni 30-ni ingerlanneqareersimalersoq ajunngitsumik ineriartorfiusimasutut isigaarput. Pingaartipparput suleqatigiinnerup ingerlaqqinnissaa misilittakkallu aallaavigalugit periaatsinik naappertuusaassisinnaannerit ammaffigalugit.

Nunat Avannarliit Killiit Siunnersuisoqatigiiffimmini kissaatigaat, nunat arlaassa Naalakkersuisuinut siunnersuisoqatigiiffimmi ilaasortat kikkulluunniit apeqquteqaateqarsinnaannissaat periarfissaalissasoq. Periaaseq tamanna Nunat Avannarliit Siunnersuisoqatigiiffianni misilittagaqarfigineqareersoq malillugu nalimmassaaniarneruvoq suli eqaannerusumik suleriaaseqarususermik noqqaannerulluni. Nunat allat Naalakkersuisuinut apeqquteqarsinnaannermut periarfissaqalernissaaq ajorinngilarput, pisariaqalissagaluarpat atorneqarsinnaassutut isigalugu.

Siunnersuut Inuit Ataqatigiinni taperserparput. Isumaqaarpugut nunat pingasut pineqartut ineriartoqqinnissaminni imminnut pisariaqartittut, namminiileriartornitsinnilu suli annertunerusumik suleqatigiittariaqartugut. Naalakkersuinikkut sulinermi eqaannerusumik periarfissaqatigiinniarnert suleqatigiilluarnissamut qularnaarinneqataassasut neriutigaarput.

Siunnersuut taama isikkoqarluni aappassaanneerseqarnissaminut ingerlateqqinneqassasoq inassutigaaarput.